

Editor

Caribbean Speed Printers N.V.
Aruba Bank N.V. Acc. #332668
Caribbean Mercantile Bank N.V.
Acc. #23951903
RBC Royal Bank Acc. #1330772

Ass. Dir. Ehecutivo

Xiomara Arends

Redaccion

noticia@bondia.com

Pilar Flores (hefe di redaccion)
Farrah Boekhoudt (closer editor)
Leo Maduro
Dilma Arends
Andreina Morillo
Raisa Montilla

Ehecutivo di Benta

aviso@bondia.com

Sulaika Croes

Aviso y Arte

Sandra Loefstop
Lisa Tromp
Shannon Geerman

Departamento Digital

Juan Luis Pinto

Administracion

accounting@bondia.com

Mariette Engelhart
Martha Arteta de Ariza

Distribucion

Jenny Kelly

Coleccion

Evelinda de Cuba - Tromp

Pre Press

Luis Fernando Arenas (Hefe)
Pablo Libre

Press

Roland Schenker (Hefe)
Omar Ramirez
Martin Boekhoudt
Francis Dirksz

Colaboracion

Luis Villegas
Associated Press
Ret Karibense
Upload Media Aruba

Afiliacion

Sociedad Interamerica
di Prensa (SIP)

DIRECCION

Adres: Weststraat #22
Tel: 582-7800

Email: noticia@bondia.com
aviso@bondia.com
info@bondia.com

Website: www.bondia.com
Facebook: @bondianoticia
Instagram: bondiaaruba

BON DIA ARUBA ta un corant redacta y imprimi na Aruba y ta obenibel di dialuna te cu diasabra. Ningun contenido por wordo reproduci sin permiso di editor.

Germille Geerman, di produccion audiovisual pa especialista di pizza artesanal local

E liña cora den bida di un contado di storia Arubiano

Germille Geerman (34) ta un contado di storia. Su inspiracion ta Juan Chikito kende for di cu e tabata chikito tabata cont'e storianan di su bisawelo, Lucas Wilfrido Werleman, conoci pa famia como Juan Grandi, un figura destaca na Aruba.

Germille a lanta memey di su welonan paterno y materno, pero tabata Juan Chikito cu a pinta e imagen di un famia di 13 yiu na Angochi, cu a lanta ta planta maishi rabo den cunucunan cu awe ta veld di Sportboys y Caravel. Awe Germille ta un empresario local cu ta usa su talentonan artistico y di comunicacion pa comparti parti di su propio historia cu turista y local y alabes sostiene movecionnan pa promove plantacion local. Recien Geerman a organiza un encuentro na Oasis Farm pa celebra e agricultor Ruthsel Emer y pa dun'e sosten pa sigui pusha dilanti cu e proyecto cu segun Germille, ta e direccion cu Aruba mester bay pa bira sostenibel, esta plantacionnan urbano.

Germille a realisa for di chikito cu e mester conta e storia di Juan Grandi y su mesun bida ta un trayectoria pa yega na e meta. Y manera ta bunita di un storia, e capitulon hopi biaha ta skirbi nan mes.

Juan Grandi tabata electricista y su trabao mes tabata cu Lago, danki na e hecho cu el a siña papia Ingles den e temporada cu e mester a bay traha pa Cuba pa sostiene su famia. E no por a lesa of skirbi, pero asina mes su influencia tabata grandi. Juan Grandi a hinca hopi empeño den famia y progreso di Angochi y bisindario y hasta a



bira elemental den politica di Aruba. Juan Grandi tabata e prome na e barrio cu auto y a percura pa e prome proyecto di filmacion na Aruba.

Y kizas ta esaki a inspira Germille pa drenta den medianan di comunicacion. Den su adolescencia el a sinti cu television of medio audiovisual tabata e ruta. Germille tabatin apenas 15 aña ora cu, despues di a pidi pa hopi tempo, a haya yamada pa yuda ATV den e transmisionnan di boxeo. Su trabao tabata pa hala kabel, pero Germille tabata acepta esey cu gusto. Cu transmision di futbol mundial Germille a drenta studio, cu a yuda yegando mas cerca di su obhectivo pa siña domina e medio audiovisual. Tabata trahando na Star Vision, cu despues a bira Canal 22, ta ora cu Germille a siña mas, bao guia di Pedro Gomez y otronan cu a bin di TeleAruba.

Pues, e tabata un sla ora cu e canal a cera y diripiente Germille tabata sin trabao, pero mas ainda, e no tabatin un medio pa comunica cu Aruba. Sinembargo, e no a keda cas pa hopi tempo. Banda di atende scol (di anochi), Germille a bolbe den produccion cu Tessa Pietersz y Trend Alert. Sinembargo el a ripara cu no a innova den tecnolo-



gia. Como tal, e hoben a dicidi pa haci prestamo y inverti den camara y computer pa e era nobo di grabacion, esun digital. Locual e empresario hoben no tabata prepara p'e ta cu clientenan tabata kier calidad, pero no tabata cla pa e prijs. Y su inexperiencia a lag'e acepta pa traha bao locual su trabao tabata bal.

Consecuentemente, realidad financiero a bati porta y e storia di Germille a bira uno di un hoben sumamente desapunta, depresivo, cu a keda cu debe cu ainda e ta pagando. E hoben a cay den un depresion pisa, cu hopi ansiedad. Germille a busca di tapa e duele cu e tabata sinti cu alcohol y sigaria, pero finalmente a ripara cu locual tabata calm'e y yud'e funciona tabata cannabis. "E cannabis a yuda kita mi ansiedad y permiti mi funciona y hasta yuda otro hende. Y pasobra mi ta tranquil awor, mi no mester di dje (sin mas)," el a conta. Pero e espiritu di Juan Grandi ta fuerte den dje, y no a dura hopi pa Germille, a pesar di slanan, lanta ariba y recrea su mes. Aunke cu e realidad di bida a keda colga pisa riba su cartera y emocionnan, Germille a sigui pusha dilanti.

El a haya su medium di expresion den arte, unda el a colabora cu Atelier '89. Tabata su colaboracion cu Tito Bolivar, den e prome Art Fair di Aruba a forma otro punto di desaroyo di Germille, ya cu el a conoce artistanan grandi di exterior y a reconoce nan pa-

sion pa conta realidadnan social den forma di arte, den e caso aki, murals. Esaki tabata tempo tambe cu el a tuma e apodo 'El Mustashi te Ama.' "Mi tabatin un mustashi y esnan cu a bin Aruba, tabata yama mi pa mi mustashi." Pero manera ta e caso hopi biaha, semper tin rechaso local y "m'a dicidi pa pone 'te ama' tras di e apodo."

Den otro palabra, cambia e energia negativo den uno positivo. Y e energia ey a keda traduci den obranan di arte cu ta inclui su pizzanan vegetariano unico, traha cu e mesun producto cu a sostiene e famia Werleman na Angochi pa hopi aña, cu ta maishi rabo, yambo y concomber chikito. Germille a yama su pizzeria Itza Pizza pa su yiu muhe y awor ta conta storia di Aruba den creacionnan cu ta ganando aprecio di turista y local cu ta dispuesto pa paga pa un producto unico. E empresario a siña su les.

Pero mas cu un producto pa bende, e ingredientenan di su pizza ta homenahe na locual Aruba por produci y na e trabao di su bisawelo kende a inverti hopi tempo den cultura y progreso di Aruba. Su bisanieto, kende awor a tuma e apodo 'Johnny Farina' (na Papiamento: Juan Hariña) ta invertiendo hopi energia y tempo pa tene su storia bibo y na mesun momento contribui na conscientisacion pa e balor di plantacion y arte local, herencianan tangible di Aruba.

